



Tsofatse loo Tsofafeemɔ

Wɔji srɔtoi yɔɔ. Ake wɔji komɛi tsaa helai loo feɔ tsofai. Ake ekomɛi hu tsuɔ nii keha nɔyaa, ni ake wɔji komɛi hu foɔ he afabaŋɛi kejeɔ mumɔi fɔɔji ahe. Wɔji le tsuɔ amenii ni akpaa gbɛ kejeɔ amedeŋ perepere keji aye ameshiwoi anɔ, ni atɔɔ amenɔ. Keji aye amekpɔi le anɔ, ni afeee nibii komɛi, tamɔ jenba fɔɔji loo basabasa nyiemɔi ko le, ametsuɔ nii jogbaŋɛi. Shi keji tsofatse le, loo eŋa le, eyayeee wɔŋ le nɔ, loo etao ake eke wɔŋ le agbe mei loo afee nibii fɔɔji le, tsofa le fiteɔ, ni wɔŋ le nyɛɔ eshiɔ loo egbeɔ wɔŋtse le.

He ni tsofafeemɔ je

Bei babaoɔ le, wɔji ni akɛfeɔ tsofai le, akɛjeɔ heko ni akɛbaa. Titri ji wɔji ni je Kooyitenɛi kpokpai anɔ, ni ekomɛi hu je Dahomey. Shi onyɛɔ onaa tsofafeemɔ wɔji neɛ ekomɛi hu ye Krɔɔɔ maji le amlɛi.

Bɔ ni akɛ wɔŋ hewale haa mɔ kroko

Anyɛɔ akɛ nilee ni mɔko yɔɔ ye wɔŋ ko he le, haa mɔ kroko, keji wɔŋ loo tsofa le ŋme gbɛ nakai. Keji eba le nakai ye no feemɔ mli le, agbeɔ too ni akɛ wɔŋ le akɛ, ena wɔŋtse kroko.

Bɔ ni afeɔ ni anaa tsofa hee loo wɔŋ hee

Bei komɛi le, wɔŋ le jieɔ ehe kpo ni etsɔɔ tsofafeebɔ le nibii komɛi ke baji komɛi ni baanyɛ etsa helai komɛi loo efɛe nɔ ko pɔtɛɛ. Wɔŋ le yaa nɔ ewoɔ shi akɛ ebaaba nɔ ni ekɛɛ afee le mli.

Continued

Tsofafeebi srɔtoi

Aye meɪ srɔtoi ni ke wɔji tsuɔ nii. Meɪ neɛ ekomeɪ ji:

- **Wɔntse:** mɔ ni mɔɔ wɔŋ ni wɔŋ tsɔɔ enɔ ewiɔ loo efeɔ nibii srɔtoi.
- **Tsofatsɛ:** mɔ ni ke bai loo bajɪ srɔtoi tsaa helai srɔtoi. Tsofatsɛmeɪ feɔ nibii enyɔ titri. No ji amɛke bajɪ loo bai srɔtoi feɔ tsofai, ni amɛ ke wɔji hu tsuɔ nii loo amɛke bai ni wɔji le etsɔɔ amɛ le feɔ tsofai ketsaa meɪ. Amɛjuɔ amɛhelatsɛmeɪ ni eba keha helatsamɔ le bai, ni amɛketsaa amɛ.
- **Asamanukpaiatsɛ:** le ji tsofatsɛ ko ni naa nii, ni enyɛɔ egbaa meɪ awala mli saji, ye nɔ ni baaba ke nibii ni miɪya nɔ ye amɛwala shihile mli ahe. Aheɔ ayeɔ akɛ meɪ neɛ elaje pɛi loo enyɔ koo mli da, ni amɛke Adopɛi loo Asamanukpai eyakpe loo ena shramɔ kena tsɔsemɔ keje asamanukpai loo adopɛi neɛ adɛŋ.
- **Ŋkunyaayelɔ:** ji mɔ ko ni feɔ ashwai ni enyɛɔ enyɛɔ meɪ asusuma nɔ, loo eluɔ meɪ loo eke tsofa wɔɔ meɪ ahie kenaa amɛnɔ hewale. Meɪ titri ni yeɔ ŋkunyaa le jeɔ Kooyiteŋ kpokpai anɔ, ke Dahomey maji le amlɪ titri. Gameɪ komɛi hu ekase ŋkunyaayeli.
- **Hɔŋkpaatsɛ:** ji mɔ ko ni eyahe wɔŋ ko, ni ekefeɔ nɔ ni le esumɔɔ. Hɔŋkpaatsɛmeɪ titri le, amɛke amɛwɔji le teɔ, ni afɔɔ lee akɛ amɛye wɔŋ ko, keyashiɔ be ni amɛdiɛntse amɛjajeɔ ke eshe amɛgbele be loo nɔ. Aheɔ ayeɔ akɛ meɪ ni amɛgbe loo amɛfee amɛ efɔŋ ko le, asusumai ji nɔ ni wɔɔ amɛhe gbeyei ye amɛgbele saa mli, ni no haa amɛjajeɔ amɛteemɔŋ saji neɛ.

This Article was translated into Ga by Nii Adjetey Adjei of
Obonu TV

www.TheGaNangme.com

www.facebook.com/TheGaNangme

www.youtube.com/TheGaNangme